

SCRIPT OF EVENING GOJRI NEWS BULLETIN 18OCT 1700 HRS

ایونینگ گو جری نیوز بلیٹن مورخہ 18 اکتوبر 2025

یوہ آکا شوانی جموں ہے طارق ابرار تے نصرت چوہدری تیں خبر سُنو۔

HEADLINES

۱۔ وزیر داخلہ امت شاہ نے کہیو ہے جے جموں و کشمیر کوریاست کو درجہ مناسب وقت ور دتو جائے گو۔

۲۔ لیفٹیننٹ گورنر منوج سنہا نے، روس کالیسٹا شہرتیں آنیا گیا بھگوان بدھ گا مقدس باقیات غا مقدس باقیات ور عقیدت پیش کی۔

۳۔ وزیر اعلیٰ عمر عبداللہ نے ایس خے آئی سی سی سرینگر مانہ مریض غی حفاظت بارے قومی کانفرنس غو افتتاح کرتا واں کہیو کہ معیاری صحت غی دیکھ بھال مریض غی حفاظت تیں بغیر مکمل نی۔

۴۔ جموں کشمیر اسمبلی غا ضمنی انتخابات کی انتخابی مہم زور پکڑ گئی ہے تے نگرؤہ حلقہ واسطے کاغزات نامزدگی داخل کیا گیا ہیں۔

۵۔ دھنتیرس غا موقع ور دیوالی غی تقریبات غو آغاز ہووے جموں غا بازاراں مانہ خریداری زور ور ہے۔

HM STATEHOOD

وزیر داخلہ، امت شاہ نے اج یقین دوا یو کہ جدوقت مناسب وے گو تے جموں کشمیر نانہ دوبارہ ریاست گو درجہ دے دتو جے گو پٹنہ مانہ ذرائع ابلاغ سنگ خطاب کرتاں واں انہاں نے کہیو کہ دفعہ 370 کی منسوخی تیں بعد جموں کشمیر مانہ حفاظتی صورتحال بہتر ہونی ہے تے پچھلانومہیناں مانہ مقامی دہشت گرداں کی پرتھی نی ہوئی ہے۔ جناب شاہ نے حالیہ جمہوریہ ترقیاتی صورتحال ور وی روشنی کہلی، جسراں کہ پنچایت تے میونسپل انتخابات تے آن آلا راجیہ سبھا انتخابات جھڑو خطہ مانہ حکمرانی تے استحکام کی پیش رفت کی نشاندہی Byte کرے۔ اس موقع ور گل کرتاں واں وزیر داخلہ نے اس طرح کہیو۔

DM BRAHMOS

وزیر دفاع راج ناگھ سنگھ نے اج کہیو کہ پاکستان کی ہر انچ زمین برہموس میزائل کی پہنچ مانہ ہے تے آپریشن سندور کے دوران، جو کجھ بوؤ و اسرف ایک جھلک تھی۔ انہاں نے یاہ گل اتر پردیش گاشہر لکھنومانہ واقع برہموس ایروسپیس یونٹ تیں پہلا بیج گا میزانیلاں نانہ روانہ کرتاں کہی۔ اس موقع ور یوپی گا وزیر اعلیٰ یوگی ادتیہ ناتھ وی موجود تھا۔ اس موقع ور گل کرتاں واں وزیر دفاع نے کہیو کہ برہموس، ہن بھارتی فوج کی ایک ستون بن چکوبے۔ تے اس نے ملک گا اس یقین نانہ مزید مضبوط کیو ہے کہ بھارت اپنا خواباں نانہ حقیقت Byte مانہ بدل سکے۔ اس بارے انہاں نے مزید اس طرح کہیو۔

LG RELICS

لیفٹیننٹ گورنر منوج سنہا نے ”روس گا علاقہ کلما نیکیا گاشہر الستا مانہ موجود مرکزی بدھسٹ مونسٹری مانہ بھارت تیں لایا گیا، بدھ مت گا مقدس آثار غور دیدار کیو وہ ان آثار نانہ واپس لیان آلاؤد، کی قیادت کر رہیا ہیں جہڑا ایک ہفتہ توڑی، اُت نمائش ور رکھیا گیا تھا۔ عقیدت

مندراہاں تیں گفتگوگے دوران ایل جی موصوف نے کہیو کہ ایلسٹا تے روس بھرگا لوکاں نے جس محبت تے عقیدت گے نال ان مقدس گواستقبال کیوہے۔ یوہ ایک یادگار لمحوہ ہے تے یوہ دورو روحانی تے ثقافتی تعلقات نانہ مضبوط کرن گوایک اہم موقعو ہے۔

CM HEALTHS

وزیر اعلیٰ عمر عبداللہ نے اج، ایس کے آئی سی سی سرینگر، مانہ منعقدہ نیشنل کانفرنس برائے مریضان کی حفاظت کا افتتاحی، اجلاس تیں خطاب کیو۔ انہاں نے مریضان کی دیکھ بھال نانہ حفاظت سنگ جوڑن کی ضرورت ور زور دتو تے اسپتالاں مانہ حفاظتی معیار نانہ بہترینان واسطے عملی اقدامات کی گل کی۔ وزیر اعلیٰ نے کہیو کہ معیاری صحت تے خدمت، تدبی مکمل وے جد مریضان کی حفاظت یقینی وے۔ انہاں نے اسپتالاں مانہ بہترین طریقے تے نویں اختراعات نانہ اپنان ور زور دتو۔ انہاں نے ایس کے آئی ایم ایس کی تعریف کرتاں واں کہیو کہ ادارہ ملک گیر سطح ور اک اہم کانفرنس کی میزبانی کرگے حفاظتی تدابیر سیکھن تے ذمے داری گا طریقہ نانہ فروغ دے رہیوہے۔ اس موقع ور گل کرتاواں

DAR KISAN MELA

آج وزیر زراعت جاوید احمد ڈار نے جموں کشمیر مانہ خراب معیار غا کھاد تے کیڑا مار ادویات کی فروخت گے خلاف سخت کاروائی گو یقین دوا یو۔ بارہ مولہ مانہ کسان میلہ گے دوران ذرائع ابلاغ سنگ گل بات کرتاواں وزیر جاوید احمد ڈار نے کہیو جے کئی ایسا مصنوعات غیر قانونی طور ور فروخت کیا جا رہیاں۔ انہاں نے عمل درآمد کرن آلا محکمہ نانہ مضبوط کرن ور زور دتو۔ وزیر نے پھلاں ور مصنوعی رنگاں گوا استعمال کرن ور تشویش گوا ظہار کیو۔

NAGROTA NOMINATIONS

آن آلا نگر وٹہ اسمبلی حلقہ گا ضمنی انتخابات کی، انتخابی مہم، اج تیں شروع ہو گئی ہے۔ بی جے پی تیں شروع ہو گئی ہے۔ بی جے پی تیں دیویانی راناتے سابق وزیر برش دیو سنگھ جیہڑا آزاد امیدوار گا طور ور میدان مانہ ہیں۔ نے اپنا کاغذات نامزدگی جمع کرائی۔ یہ ضمنی انتخابات 11 نومبر نانہ وین گاتے پولنگ گے تیہاڑے عام چھٹی گو اعلان کیو گیوہے۔ دوسری جانب، ضمنی انتخابات کی تیاری زور و شور تیں جاری ہے۔ چناو بارے چیف افسر سنجیو ورمانے گزشتہ روز ایک میٹنگ کی، جس مانہ تیاریاں گوجائزو لیو گیو۔ میٹنگ مانہ دسیو گیو کہ 97893 ووٹراں واسطے 150 پولنگ اسٹیشن قائم کیا گیا ہیں۔ تانجے ضابطہ اخلاق کی سخت پابندی گے نال، منصفانہ تے شمولیتی ووٹنگ نانہ یقینی بنایو جاسکے۔

DHANTEERAS

ملک بھر مانہ بشمول جموں مانہ دھنتیرس گوتہوار بڑا جوش و خروش سنگ منایو گیو۔ یوہ دن دیوالی گا تہواراں کی شروعات نانہ ظاہر کرے۔ تے اس تیہاڑے نانہ دھن تریدیشی تے دھن ونتری جینتی وی کہاں۔ عقیدت مند، بھگوان دھونتری، بھگوان کبیر، تے دیوی لکشمی کی پوجا کریں۔

دھن تیرس “غے تیہاڑے، سونا، چاندی، برتن، برقی آلات تے ”گڈی خریدنو“ مبارک ” سمجھیو جے۔ جموں گابازاراں مانہ تہواراں کی خریداری، زورواں ور ہے۔ آکاش وانی گا خبراں Byte آلا شعبہ سنگ گل کرتاں واں مقامی لوکاں نے اس طرح کہیو۔

GST DIWALI

دیوالی کے قریب آتا ہی حالیہ جی ایس ٹی اصلاحات نے صارفین نانہہ راحت دتی ہے جس گانتیجہ مانہہ اشیاء کی قیمتاں مانہہ کمی آئی ہے۔ تھوک ریٹ مانہہ خاصی کمی دیکھی گئی ہے، جس میں خریداراں واسطے چیز سستی ہوگئی ہیں۔ ان تبدیلیاں تین مقامی معیشت نانہہ تقویت ملن تے گھراں گا تہوار کا اخراجات مانہہ کمی کی توقع ہے۔ صارفین پر امید ہیں کہ اس دیوالی خریداری پہلاں تین زیادہ آسان تے خوشگوار ثابت وے گی۔ کجھ مقامی لوکاں نے اس Byte بارے مزید اس طرح کہیو۔

FASTAG ANNUAL PASS

سالانہ پاس جہڑو 15 اگست 2025 نانہہ شروع کیوگیو، اس تہوار گاموسم FASTAG مامسافراں واسطے بہترین تحفوں ریوہے۔ یوہ بھارت کی قومی شاہراں تے ایکسپریس وے گا 1 ہزار 1 سو 50 تین زیادہ ٹول پلازاں وراک سال توڑی بغیر کسی رکاوٹ کے سفر کی سہولت کے ذریعے تحفہ گا طورور دتو جاسکے Rajmarg-yatra app دے۔ یوہ پاس، آسانی نال تے اوٹی پی کی تصدیق تین بعد وصول کنندہ گا فاسٹیک ورفعال ہو جے۔ ایک وری کی فیس، ترے ہزار روپیہ وری صارفین 200 ٹول پلازاں تین بغیر چارج کے سفر کر سکے۔ دو مہیناں مانہہ 25 لکھ تین زیادہ صارفین تے 5 عشاریہ 67 کروڑ لین دین کے سالانہ پاس ملک بھر مانہہ آسان تے سستو سفر فراہم کر رہیوہے۔ Fastage نال

RAMBAN FISHRIES DEPARTMENT

ان تیہاڑیں، رام بن گو ماہی گیری محکمہ، مچھی پکڑن کا عمل کی جانچ کر رہیوہے، تانجے صحت، حفاظت تے ماحولیاتی قوانین کی پابندی نانہہ یقینی بنایو جاسکے۔ ان معائنات مانہہ مچھلیاں گا معیار، صفائی، مناسب ذخیرہ تے پائیدار ماہی گیری کا اصولاں کی نگرانی شامل ہے۔ یاہ جانچ آبی ماحولیاتی نظام تے ماہی گیری گا کاروبار، گا استحکام نانہہ برقرار رکھن واسطے کیو جا رہیوہے۔ آکاش وانی گا خبراں آلا شعبہ سنگ گل کرتاواں، محکمہ ماہی گیری Byte گا اسسٹنٹ ڈائریکٹر عطاء اللہ خان نے اس طرح کہیو۔
